




Nogana e e jewang ke bodutu

E kwadilwe ke Sanelisiwe Maliza | E tshwantshitswe ke Shadrack Munene

“Sssssssssss,” ga lela Nogana.

Gangwe le gape fa e lelemela go tswa mo mosimeng wa yona, diphologolo tsotlhe di a sia. Dinonyane di ne di fofela kwa kaleng e e kwa godimodimo ya setlhare. Legotlo la tshaba ka bonako. Nokonyana ya roromela morago mo sentlhageng sa yona.

“Goreng diphologolo tse dingwe di ntlhoile, Mama?” Nogana ya bua ka selelo. “Ka gale fela fa ke tswela kwa ntle go tshameka le tsona, di a sia kwa ntle le go ntumedisa.”

“Di utlwile dilo tse di bosula ka dinoga. Di akanya gore rotlhe ga re a siama,” ga bua Mama Noga.

Nogana a lebelela go tswa kgakala fa diphologolo tse dingwe di tshameka mmogo. “Go lebega di tshameka ka boitumelo,” a rialo ka kutlobotlhoko.

Letsatsi lengwe Nogana a utlwa selelo.

Segopa sa makabanyane se ne se kgerisa Nokonyana.

“Tsweetswee ema,” ga lela Noko.

Nogana ya lelemelela gauifi.



“SSSSSSSSSSSSSSSSSSSSSS!”

Ditshimega tse dikgolo tsa tshoga
thata mme tsa sia.

“Ke a leboga,” Noko a rialo.

“Ga go molato,” ga bua Nogana.

“Wena tsamaya fela le nna mme ga go
ope yo a ka tlholang a go tshwenya.”



Ke ka moo Noga le Noko
di ntseng ditsala ka teng.

Nogana e e jwang ke bodutu

E kwadilwe ke Sanelisiwe Maliza • E tshwantshitswe ke Shadrack Munene

Megopolo e re ka buang ka yona

O akanya gore bana ba tshipa ba ne ba tshwanetse go dirang fa Noko e Nnye e ne e re, "Tsweetswee ema"?

A o akanya gore Noko e Nnye e ne e gakgametse fa Noga e Nnye e ne e mo thusa? Goreng?

Ke mainane afe a o a utlwileng kgotsa a o badileng ka one ka dinoga?



Se se bonwang ka matlho

Terowa setshwantsho sa noga. Se take ka mmala o bo o tsenya pudula jaaka e bontsha se noga eno e se buang. Mo puduleng eno kwala modumo o o dirwang ke dinoga.



Go Bala

Bala setlhogo sa leinane leno. Go tswa foo itlhamele ditlhogo tse pedi tsa gago tsa leinane leno.



Go Kwala

Ka sebopego sa noga, kwala mafoko a a tlhalosang noga.



Botaki

Dirisa ditlhokwa tsa mmetšhisi le tlabego ya go tshameka le mmopa go dira dinoko le dinoga.



Tiragatso

Tsamaya jaaka diphologolo tse di mo leinaneng leno di tsamaya: ik gare ka sengwe jaaka noga, tsamatsamaya o tswirinya le go kgwa mathe jaaka bana ba tshipa, bontsha mitlwa ya gago jaaka noko.

